



澁
澁
雜
記

卷
三

12
50

ル 5
3601
3



門 5
號 3601
卷 3



滬游雜記卷三目錄

洋涇浜序

西泠漱華子

冶游自悔文

白隄過來人

錢莊賦

倣杜牧阿房宮體

穆靜齋

滬北新樂府

味燈室主人

紅風兜

藍呢轎

靴鞋

金戒指

洋烟害

倣李太白蜀道難體

小池

題烟樓鬼趣圖 七古

失名

洋場四詠 五律

芷汀

輪舟

馬車

地火

電線

上海感事詩 七律

懺情生

無題四首

滬北十景 七絕

薪翹

桂園觀劇

新樓選饌

雲烟嘗烟

醉樂飲酒

松風品茶

桂馨訪美

層臺聽書

飛車擁麗

夜市燃燈

浦灘步月

申江雜詠百首 選存六首 李默庵

租界

新北門

小東門

洋涇橋

一洞天

新開河

棋盤街	寶善街
盆湯街	司徒廟
領事公館	會審公堂
鐵廠	招商局
教堂	格致書院
申報館	機器印書局
工部局	保險公司
外國墳	跑馬場

拋球場	馬車
腳踏車	電線
垃圾車	灑水車
大白鳴鐘	火警鐘
禮拜日	午正砲
拍賣行	呂宋票
照相樓	茶寮
酒館	戲館

華捕

捐客

包探

仁濟醫館

細崽

拆梢

租界地保

馬路管

東洋人

洋婦

鹹水妹

女說書

花烟間

茶圍

叫局

裝乾濕

本家

帶當

漂帳

娘姨

京式衣裳

黃浦灘

浪游瑣事詞

調寄蝶戀花

半禪居士

戲館

女優

花鼓

書場

茶會

烟盤

擺酒

留宿

出局

閒遊

燒香

脫籍

申江感事詞

調寄蝶戀花

夢覺人

無題六首

海上十空曲

香鷺生

青樓

游客

女堂烟館

女書

戲館

花鼓戲貌兒戲

酒館

茶館

花烟

燒香

滬上新詠

倣七筆勾體

失名

繡而尋芳尋芳里或聽鈞韶而同慶同慶里水邊

多麗麗水臺排翡翠之香樓桂下原馨桂馨里構

蟾蜍之暖窟百花里做雙秀堂開兆添富貴

榮華常駐香車寶馬錦畫東西南北偏多翠

羽明珠兆富兆貴及東畫錦西畫錦等皆里名教坊俱聚於此松風吹

絃管之聲松風閣桐月麗妖嬈之色桐月樓吳絳

仙之冷艷黃菊經霜吳素卿鞠部其選也以下都一時名姝謝

小娥之嬌憨綠芙出水謝寶仙渡銀河之鵲

李巧仙娥分白玉之蟾吳月娥萬縷回文蘭言錦

織沈文蘭一枝金粟桂殿香分金桂桂林朱粉不施

冠花枝於南部朱南官翠擧淡掃遲琴韻於西

樓翠本月闕之仙人塵間小謫仙月是雲中之

彩色天上飛來彩雲杜蘭香丰韻娉婷張韻蘭袁

寶兒秀姿嫵媚蔡秀寶解漢臯之佩唧意云何

佩賦洛水之仙雅人深致雅仙鵝綾十幅全描

錦字於環中全鸞鏡雙窺喜立情郎於影裏

雙喜文皆爭寶兩稱蘇小芳名諸文寶周文寶一時齊名

祇為卿願向君王廣覓沈愛卿黃愛卿小愛卿名此者甚多

皆具可餐之秀色秉絕世之英姿秀英杏白梨

紅關心細認荷珠蘭玉過口猶香而且花既

含嬌葉還競媚泥中小婢慣通蜂蝶之蹇修

簾底妖姬竊學鴛鴦之野偶瓊漿一盞便嫁

雲英玉宇三椽即留阮籍乍離乍合空談朝

暮之期予取予求不記氤氲之簿心豈同夫

梔子頭偶並夫蓮花祇須十五嫁王昌無俟

三年窺宋玉也若夫曲艷霓裳歌翻玉樹記

廣寒之舊譜度金縷之新腔本為桂府傳來

桂看列四金桂丹桂攀桂同桂皆戲館名聽到雅音迭奏雅

可成三三雅翠繞珠圍一紙下紅粧之牒烟

斜霧散滿庭流春海之芳滿庭芳亦戲園名管則急

而絃則繁樂府新來北地婉以柔而清以越

吳歌總說西崑寺啟金山圖開鐵冠金山寺鐵冠圖

以下皆 戲名 黑沙洞裏鬼幟神旗 黑沙洞 青石山前

雨師風伯 青石山 淮安府虎狼競鬧 淮安府 趙家

樓蝴蝶尋花 趙家樓 金鳳描來 描金 白蛇傳出

白蛇 樓申結蜃寶光騰海氣之精 蜃中閣 閣下

迴龍仙仗煥朝儀之彩 迴龍閣 冠裳入座艷奪

紅菱 紅菱 巾幘登場釵橫紫玉 紫玉 莫不炙

燕鶯之脆舌瀉珠玉之歌喉他如鼓擊花奴

絲牽木偶 花鼓戲 現諸天之魔舞宣大地之

音聲有館皆歌無街不繡別有厨非香積市

等長安金斗十千吳姬勸酒玉盤百品易牙

調羹豹舌熊膳何止膾毋厭細玉杯象箸果

然器必求精同興則簾捲水晶 同興 益慶則

窗橫雲母 益慶樓 味擅東南之美雅說新樓 新

樓 羞調西北之珍共推泰館 泰和館 神仙留玉

佩卿相解金貂洵不虛矣至於萬里雲寫其

閒情 萬里雲 一洞天滌其雅抱清泉則春暖烹

茶醉墨則秋高擲笛清泉樓醉墨林勝難枚舉國可
 香稱明知色味馨香回頭是夢爭奈鶯花風
 月過眼與懷未免有情小誌滬濱之韻事於
 斯為盛來添海國之清談

冶游自悔文

白隄過來人

江城勝事香國佳談孤塚荒郊盡變繁華之
 地層樓高閣大開歌舞之場爰有麗姝長成
 樂府淡描螺黛鬪時世之新粧不買燕支現

諸天之色相蝶分裙百鳳小鞋雙薄袖迎風
 低鬟歛霧顧影而羣花削色舉頭則明月回
 眸不善猿愁偏工狐媚珠簾繡幕居然富貴
 之家綠酒紅燈久慣驕奢之習章臺布網雀
 自投羅慾海垂釣魚來吞餌則有五陵年少
 一介書生車馬翩翩衣裳楚楚始則尋花問
 柳原為寫意之遊繼而倚翠偎紅漸入迷魂
 之陣不惜黃金如土聊作纏頭豈知碧海無

沈沈齋詩 卷三 五
涯已傷失足其擺臺面也饌必求精膾毋厭
細熊膳豹舌八珍之味堪誇鹿脯雉膏一鬻
之嘗差可朱櫻含到玉筍拈來一闕玉鈎斜
是大菜完時通關徧後雙聲金縷曲正九連
環罷十送郎初俄而蠟炬燒殘檀槽聲息傳
呼稀飯已如秋燕之將歸相約明朝來聽春
鴻之宣卷三千客散十二蚨飛更有公子興
豪不吃路頭之酒娘姨情急先分下腳之錢

樂何如之情可知矣其叫出局也書傳紅紙
人喚青樓更衣則鴛母催粧入席而烏師按
笛唱幾句琴挑樓會衆口稱揚敬一遍瓜子
松仁抽身便去坐回中轎簾捲蝦鬚跟到外
場燈提鴨蛋且喜銅龍漏轉送局人來還喚
鐵馬聲喧跳槽客去泊乎粘花戀草幻蝶方
癡逐浪隨波閒鷗漸狎每見雕欄倚玉含笑
相將保母翠被薰香銷魂真箇芙蓉花底卧

兩兩之鴛鴦豆蔻梢頭巢雙雙之翡翠春宵
苦短好夢難長問煖噓寒洵是有情眷屬羞
雲怯雨果然無價風光絃外知音鏡中索笑
花留客醉月比人圓自憐流水無音已似楊
花之墮溷倘是東風有意願隨桃葉以渡江
蓮蒂儂心藕絲郎意春花秋月空勞一片相
思絮果蘭因爲問三生何事黃昏密約白水
邀盟規規乎仙儷之風長生之誓矣無如愛

河易竭慾壑難填囊內錢空遂使紅顏竊笑
牀頭金盡遽遭白眼相加始猶打鴨驚鴛小
受風流之譴漸至嗔鶯詈燕頓忘香火之情
大姐聲高娘姨色變絕似銀河秋早紈扇先
捐非關寶鼎香温珠簾慵捲幾回催促緩緩
纔來數語寒温姍姍竟去面如冰冷言比鋒
尖鸚鵡嗔人鷓鴣逐客枉說情深如許一旦
多拋凭教此地重來半文不值此也桃花門

泚泚雜言 卷三
巷猶有無今追昔之思彼則楊柳簾櫳自得
送舊迎新之樂宮移徵換已彈別調琵琶檀
板金樽又是誰家筵席贏得心容俱瘁爭傳
浪子之名可憐內外交摧幾變家人之卦炊
烟不起常逢禁火之天逋負安償惱煞重陽
之雨癡成鴉片衣類鶉懸冀北誰空江東難
返往事已隨流水逝此心惟有落花知君不
見真娘墓側烟鎖荒苔蘇小墳邊雪埋短樹

香銷紅褪千年杜宇之魂雲散風流一覺揚
州之夢雖則品評羣玉從來才子情深然而
消受名花也要幾生修到雲裳未整木來之
面目何如霜鬢旋催老去之皮囊可想花能
解語難招潘岳之魂酒可療愁不奠劉伶之
塚所以琴心動處休誇同調以求凰逢腳收
來好趁中流而轉舵情禪勘破管他臨去秋
波色界參開任爾醒來春夢理宜自悟言盡

於斯借抽黃對白之文卻是裘成集腋即較
綠量紅之事敢云棒喝當頭

錢莊賦

仿杜牧阿房宮賦體

穆靜齋

各莊集錢行設交易作行情出一開五十餘
家再有新入住址南衝而北達直近大橋十
年忽忽到於今朝半載一開三載一歇來往
無清專顧利息若逢倒帳存心對折勞勞焉
碌碌焉票根帳簿實不知其幾千萬頁出進

兌換不刻何兇接授迎送不諂何工上落之
間不認弟兄花言巧語東家捧捧耀武揚威
小夥欺欺一行之內一業之間而良莠不齊
趙錢孫李周吳鄭王上下三等均欲開莊老
店摩訶新局輝煌耀目熒熒翻洋錢也烏雲
擾擾打圖書也黑流漲膩棄墨水也烟陣鬪
亂攙小錢也霹靂乍驚串繩斷也歷歷遠聽
竟不知其何為也買進賣出各看俏賤穩坐

安言而望利焉有大銀拆者一兩五錢早晚
之來往前後之經營高低之分明挖出挖進
剝削別人堆積如山一旦倒帳有統虧其間
餘平貼水破錢銀屑總數捲去莊人視之甚
爲可惜嗟乎一日之積千萬日之積也莊有
公所人皆聚其中視其交易盡銀洋喊之皆
釐毫數各人之指多於街上之車夫頭上之
帽多於池中之烏龜眼睛閃閃多於在天之

星粒進出參差多於巖洞之螞蟻東坐西立
多於戲館之看客京調二黃多於田中之蛙
鼓做買賣之人不見贏而見輸早已存心日
落走路本錢少經手懼同行一忌可憐閉戶
嗚呼作輸贏者輸贏也卽莊也開莊者莊也
卽東家也嗟乎若輸贏俱可得利則皆可開
莊莊藉輸贏之利則自三年可至百年而勿
關何得而閉歇也莊人不暇自嘆而外人嘆

之外人嘆之而不戒之亦使外人而復嘆外人也

滬北新樂府

味燈室主人

紅風兜

絳雲朶朶飛街頭十人而九紅風兜風兜雖紅鑲以錦捐票官階非極品雖非極品已非小民職方如狗都督走朝廷名器無乃輕况復紅爲婦人女子服非官而紅反嫌辱不嫌

辱威風足贏得乞丐呼老爺鄉愚見之亦瑟縮

藍呢轎

藍呢轎子疾如風似官非官坐其中轎班前喝氣蓬蓬跟班後追形忽忽玻璃三面窗玲瓏名片大書箋紙紅問渠何事西復東無非出沒烟花叢道旁有客歎撫胸當年肩背勞乃翁爲人擡轎如騰空

靴鞋

靴鞋靴作鞋非靴亦非鞋靴鞋當靴似鞋
又似靴靴耶鞋耶二而一蹣跚滿街誇足捷
足捷惟聞橐橐聲直欲踢得神州平鞋之為
義取乎諧君於處世工擠排靴之為音近乎
訛君於作事乖張多乖張多鞋當靴工擠排
靴做鞋

金戒指

金戒指月事至示戒乃自宮掖始不信堂堂
七尺身忘卻鬚眉效女子燦然指上誇多金
相君之指真富人當筵拇戰開若蘭據案作
字難屈伸勸君此後莫作字有貝無貝本兩
事能作字者無戒指

洋烟害

仿李太白
蜀道難體

小池

噫吁嚱危乎殆哉洋烟之害害人若投淵一
盞幽冥燈相對何怡然邇來一十又八省不

徒遍地皆洋烟南當閩廣爲尤甚人人嗜此
如狂顛吞雲吐霧壯心滅况乃閨房習染相
勾連中有嵌鑲斗架之高標又有鋼籤銀盒
排兩邊古道之人尙不免神仙欲度愁無緣
水果堆盤盤茶壺烟袋若巖巒癮來咳嗆無
休息以手撫胸坐長歎問君臥遊何時還青
雲路絕不可攀但見愁容如枯木勉強支架
在人間又聞烟鬼語不惜崩銅山洋烟之害

害人若投淵使我見此凋朱顏一生光陰已
虛擲可憐家徒漸立壁朝呼暮吸肺肝摧腸
肚輓輓響春雷其害也若此嗟爾趨時之人
胡爲乎吸哉有時自恨何苦來一朝上癮萬
難丟開所交臭味同性皆狼與豺烟氣若瘴
烟毒若蛇槍新槍老殺人如麻始吸雖云樂
終不保身家洋烟之害害人若投淵回頭是
岸免咨嗟

題烟樓鬼趣圖 七古

失名

茶神酒仙呼不起三千年後出烟鬼烟鬼燒
 烟如燒丹一日無烟鬼欲死西洋貨賣來中
 華新烟散入烟鬼家一時食指騷然動滿坐
 饕餮人如麻曲房幽邃玻璃透香氣如蘭燈
 似豆畫屏晝掩語聲輕羅幕低垂人影瘦橫
 牀八尺隱囊支烟鬼橫臥如殭屍扁門顛倒
 問昏曉雨落月明都不知鬼之引動有遲早

故鬼引大新鬼小新鬼嗜此原偶然引斷猶
 如中酒眠故鬼引重心成疾鼻涕雙垂手如
 鐵一鬼持鎗忽長味呵罷一筒通七竅一鬼
 對面手欲爭叉手燈前發狂叫旁有數鬼更
 奇絕繞牀儼若通呼吸支頤不覺口流涎垂
 首無言喉如澁移時衆鬼笑拍肩紛紛膝薛
 爭後先斯須瓶盒淨如洗更拾渣滓相熬煎
 五更燈盡東方白烟鬼面皮無血色牀頭斜

抱烟筒眠日高欲起起不得君不見飲酒食
肉爾與我沈迷此道殊不可只有快活似神
仙幾見神仙食烟火

洋場四詠 五律

芷汀

輪舟

不倚風帆力橫行水國天輪飛雷自激機運
浪無權既濟真符象同人利涉川乘槎泛河
漢千古惑張騫

馬車

鬪捷如流水交飛馬足塵遙聽來得得疾捲
去麟麟似仿奇肱製終須正軌循揚鞭真得
意十里遍尋春

地火

活火然千朶明星炯萬家樓臺春不夜風月
浩無涯欲奪銀蟾彩真開鐵樹花登高遙縱
目疑散赤城霞

電線

電氣何由達天機不易參縱橫萬里接消息
一時諳竟竊雷霆力惟將線索探從今通尺
素不藉鯉魚函

上海感事詩 七律

懺情生

客到申江興便狂縱饒慳吝也輝煌四元在
手邀花酒八角無蹤入戲場但看衣裘原綺
麗若論事業竟荒唐祇愁三節長光近欲避

無臺債孰償

時裝廣襪與京鞋結束風流子弟佳丹桂園
方呼狎妓同新樓又擁嬌娃騰空高坐藍呢
轎點戲榮書白粉牌纔擬招魂驚落魄慘經
寶善一條街

何物能醫此際貧發財票可獲千緡勾人圈
套般般巧迷我神魂色色新樂死是閒應不
悔狂揮片刻也超倫就中難得差強者挨過

殘冬又及春

壁上觀兵我獨愁廿年桑海在雙眸身非鐵
漢千番鍊眼見銅山一夕休金粉有誰談建
業烟花翻欲陋揚州一作夜尚鸞交晨兔
脫今嗙鶉結昨狐裘化

滬北十景 七絕

新翹

桂園觀劇

相傳鞠部最豪奢不待登場萬口誇一樣梨

園名弟子來從京國更風華

新樓選饌

酒侶吟朋任款邀羊羹鴨臠好烹調時新那
厭更番換風味由來重六朝

雲閣嘗州

環房曲室客爭趨縹渺雲霞頗足娛不是酒
家如賣酒冶游人總覩當壚

醉樂飲酒

烟窩酒戶兩忘機
浪說啣杯興欲飛
酒可解烟烟解酒
今朝不醉不言歸

松風品茶

鏤榻雕窗面面空
果堪消遣是松風
微聞薌澤來何處
隔座佳人笑語通

桂馨訪美

燕瘦環肥任品論
脂香粉膩總溫存
可憐幾曲章臺路
不遇情人枉斷魂

層臺聽書

小拓璃窗近水樓
美人高座說風流
聽來不是生公法
頑石如何盡點頭

飛車擁麗

妝成墮馬髻雲蟠
雜坐香車笑語歡
電掣雷轟驚一瞬
依稀花在霧中看

夜市燃燈

電火干枝鐵管連
最宜舞館與歌筵
紫明供

奉今休羨徹夜渾如不夜天

浦灘步月

萬里長空一鏡磨樓臺倒影入江波此邦亦有清涼境搔首何人發浩歌

申江雜詠百首 并序 選 存六十首

隔七八年樽前舊迹爪認飛鴻從五千里嶺外遙歸形同倦鳥東瀛重到依然風月之場南部何如誰作烟花

之志撫安仁之兩鬢多染霜痕悵杜

牧之三生早醒春夢悼深桃葉六如

嗟玉局同情 坡老於惠州建六如亭以葬胡雲余姬梁氏自

惠州攜歸 歿於里 唱到竹枝百詠愧鐵崖綺

語紀申江之逸事有信堪徵效子夜

之新聲無詞不俚未拋敝帚藉正

斲輪云爾邦上六勿山房主人稿

租界

北邙一片闢蒿萊百萬金錢海漾來儘把山
邱作華屋明明蜃市幻樓台

新北門

新北門開捷徑趨出郊風景迥然殊車聲輓
輓平沙道僅費囊中數十蚨

小東門

歌樓舞榭足消魂雞犬桑麻莫並論十六舖
前租界止繁華直到小東門

洋涇橋

洋涇浜畔柳千條雁齒分排第幾橋最是月
明風露夜家家傳出玉人簫

一洞天

寶馬香車趁管絃當年風月景無邊滄桑小
劫何容易誰訪荒涼舊洞天

新開河

河號新開繞麗譙候潮舟子屢停橈濠南濠

北分中外宛界鴻溝水一條

棋盤街

縱橫界畫似棋盤世路紛紜一例看東角秦樓西楚館誰從局外作旁觀

寶善街

寶善街頭似海春冶游箇箇關精神應稱第一銷金窟辜負嘉名愧楚人

盆湯街

攢列蜂房氣不寒澡身爭就此盤桓是閒容易蒙汗垢賴有香湯似浴蘭

司徒廟

香燭些些費莫猜非關祈子乃求財鬢邊黃紙籤條插知向司徒廟裏來

領事公館

峩峩公廨壓江灘絕少威儀似漢官樓閣不殊商賈宅獨標旗桿插雲端

會審公堂

會審紛紜有異同從來治事貴和衷主持公道無私見都在堂皇一訊中

鐵廠

鐵冶洪鑪利器精鉤心鬪角總分明個中尤愛風斤運借與人間削不平

招商局

輪船減價貨爭裝局設招商是保商不讓外

人專壟斷經營經濟策都良

教堂

掛旗升砲也尊王慶賀嵩呼集教堂未得叔孫綿葺演難將禮樂議殊方

格致書院

步塵管輅測星辰股四勾三算學真惜未身心參實際談天空有語驚人

申報館

巷論街談費討尋一時聲價重雞林蜃樓結
撰雖無礙清議原存憤世心

機器印書局

鉛字排成奪化工聚珍活板得毋同文章有
用原無幾省卻災梨易奏功

工部局

銜挂司空飾美稱度支心計擅才能衆擎易
舉渾閒事散罷金錢百廢興

保險公司

水火偏災本夙因險能買脫事鮮新莫嫌利
竇開來巧尚有仁心保衛人

外國墳

誰澆杯酒到棠梨強弱同埋綠草畦七萬里
人三尺塚旅魂歸否大洋西

跑馬場

一騎飛騰數騎催萬人叢裏顯龍媒似因講

武開場圃卻把輸贏鼓舞來

拋球場

沈醉三郎記打球工夫技擊巧相侔中原唐
宋遺風泯逸事翻從海外留

馬車

香塵油壁合從容底事馳驅振轡衝寄語行
人須子細車如流水馬如龍

腳踏車

前後勾聯兩鐵輪不須手挽踏芳塵轆轤捷
足趨當道一蹶還防笑有人

電線

不須鯉寄與鴻傳電線音馳萬里天兩地語
言傳頃刻勝於羽箭疾離弦

垃圾車

半車瓦礫半車灰裝罷南頭又北來此例最
佳誠可法平平王道淨塵埃

灑水車

飛沙漠漠日炎炎白帽還防汗雨霑車過忽
成清淨界看他灑遍水廉纖

大白鳴鐘

大白鳴鐘莫與京半空晷刻示分明到來爭
對腰間表不覺人歌緩緩行

火警鐘

晝分旗色夜燈光高挂空樓辨四方鳴則驚

人誠美器關心廷擊莫張皇

禮拜日

不問公私禮拜虔閒身齊趁冶游天雖然用
意均勞逸此日還多浪費錢

午正砲

兵船一砲衆心驚十二聲鐘記得清日影花
磚剛卓午果然晷度測分明

拍賣行

日中爲市獨登臺價拍便宜信手擡慙愧書
癡無長物倩人爲我賣窮來

呂宋票

天地原爲大騙場生財海上出奇方欲從萬
里羸頭彩買票爭投別發行

照相樓

顯微攝影喚真真較勝丹青妙入神客爲探
春爭購取要憑圖畫訪佳人

茶寮

松風閣與桂芳鄰鬢影衣香麗水春莫笑相
如多渴病可知佳茗勝佳人

酒館

新新樓接慶興樓月地花天奪酒籌浪費萬
錢無下箸那知飢餓有人愁

戲館

丹桂天仙接比鄰還饒金桂鬪時新京徽且

漫評優孟等是登場傀儡人

華捕

短衫窄袴換西裝充捕居然意氣昂寄語途人須檢束因風柳絮最顛狂

捫客

爲誰辛苦爲誰忙得失無關有別腸北貨捫來南貨去兩頭利市總包荒

包探

鬼域情形緝訪真摘奸發伏倍通神是非果否無顛倒吾憶前朝刺事人

仁濟醫館

斷肢能續小神通三指回春恐未工儻使華陀生此日不嫌劈腦治頭風

細蕙

烹茶煮酒列輿僮月領洋蚨僅數枚別有深情年少子存心豈爲這般來

拆梢

平地風波起幻泡攫金結黨恣咆哮東來西
去梢空拆浪蕩依然沒下梢

租界地保

賺剩金錢繳地租公然社鼠與城狐而今悟
得蒙莊理道在卑汙信不誣

馬路管

補天煉石豈尋常碎石修途計亦良築罷登

登三萬杵沙鋪一道碾輪忙

東洋人

願與通商列國躋富强求治志非低奈將開
國遺風失改卻衣冠學泰西

洋婦

素練重裙著地飄輕紗障面避塵器儘多玉
立長身態都爲靈王愛細腰

鹹水妹

不繫羅裙不貼鈿花巾帕首亦翩翩尋常懶
著鴉頭襪六寸膚圓比玉妍

女說書

一掐檀痕便有情佳名艷羨喚先生如何未
嫁浮梁賈也覺琵琶帶怨聲

花烟間

吹簫身入百花叢氣味氤氳領略同更笑眠
雲人不醒糊塗蟲亦可憐蟲

茶園

爲品旗槍過爾曹銀箏低唱月輪高分明前
度劉郎到重向天台認碧桃

叫局

千嬌一例步生蓮纖手輕扶小婢肩入座便
來邀拇戰銀奩方寸設當筵

裝乾濕

閒拈瓜子嗑來香更愛枇杷沁齒芳乾濕堆

沈沈雜語 卷三
盤誰適口個中滋味倩郎嘗

本家

鴛母驕人號本家黃金不惜買嬌娃可憐十
二三齡女演舞教歌到月斜

帶當

借債添衣飾釧環癡心豈願去時還風塵倘
遇垂青客償此區區亦等閒

漂帳

空許纏頭說買春花開夜合少精神莫嫌浪
子將兒誑兒亦人間抵債人

娘姨

靈心俏步活雙瞳覓覓尋尋西復東獲得檀
郎如至寶但看笑遞水烟筒

京式衣裝

裝束爭登鮑老場長衫潤袖太郎當京靴底
厚京鞋薄花樣新翻說大方

黃浦灘

濤聲夜月天如廟燈影春星海客船無限繁
華無限感何如歸種浦東棉

浪游瑣事詞

調寄蝶戀花

半禪居士

戲館

吳浙青陽紛競演妙舞新歌北部今稱冠處
處逢場邀采伴香風溢巷雲鞦韆滿 地火燈
屏明燦爛傍玉偎蘭入座聽忘倦三疊霓裳

宵未半四圍羅綺偏先散

女優

小隊登場姿婉變嫋嫋婷婷早入勾闌選一
曲凌波羅襪淺臨風欲把仙裾挽 忽引嬌
吭歌調變側帽宮花斜壓蟬雲顛巾幘鬚眉
俄頃換雌雄撲朔渾難辨

花鼓

一角綵旗斜挂處小小茶樓忽打鼕鼕鼓未

源流雜記 卷三
出畫屏聲早度銷魂最是蓮花步 新樣時
妝新樂府蘭芍歡情爭睹婆娑舞睽女癡男
觀似堵宵闌不避行多露

書場

小几安排看袖拂銀甲玲瓏滾滾珠絃活入
座清言霏玉屑一編野史從頭說 年時佳
會聯吳越姊妹分行巧賽春鶯舌來恨姍遲
歌早歇茶多莫解文圍渴

茶會

錦洞尋春容易誤門巷誰家慣認天桃樹玉
架呼茶勞幾度空教忙煞紅鸚鵡 纔揭犀
帷陪笑語來是無端卻又匆匆去花底秦宮
魂栩栩團雲一隊圍難住

烟盤

瓜果剛分茶罷喚兩兩鴛鴦眠傍芙蓉煖乍
訂香盟情繾綣玉纖親捧銀荷勸 小小晶

盤燈穗剪菱枕同偎只苦蘭宵短紅豆相思
還是淺春蠶眠起絲長絆

擺酒

大小排當圍翠袖泥客猜拳肯遣良宵負醉
棹觥船忘夜漏華燈重點笙歌又 如此名
花如此酒如此歡場幾輩能消受卻笑玉山
頽倒後酣眠壓得羅裳綉

留宿

碧玉年華瓜未破一擲纏頭聲價爭人妬幾
度消魂仍未果者番不信成真箇 從此荷
珠圓顆顆蝶粉蜂黃香國情無那日上窗紗
翻倦臥鸚哥喚起慵梳裹

出局

一寸紅箋傳驀地阿母催粧刺促珠簾底俟
我乎而須早詣玉樓小宴梨園戲 檀板金
尊筵散未且任爲佳並坐牽羅袂杜宇催人

緣底事抽身酒半留無計

閒遊

曲徑兜鞋弓淺印阿妹扶肩纖步憐嬌困石
葉熏衣花壓鬢下風陣陣濃香引 軋軋小
車紅褥襯輪輿飛輪一道芳塵穩過市招搖
馳太迅幾回錯把蠻姬認

燒香

昨日五通剛祭罷古社叢祠又報神絃賽齋

守隔霄郎莫怪心香未爇先持戒 蓮座朝
來人似海結伴爭先奪箇蒲團拜虔祝慈雲
私願在歡常團聚身康泰

脫齋

絕代蛾眉誰替贖墮溷飄茵命比桃花薄幹
當明珠量十斛阿嬌本是宜公屋 擡舉東
風心暗祝綺夢驚回從此拋羅縠前度客來
香徑熟滿枝空帳成陰綠

申江感事詞

調寄蝶戀花

夢覺人

無題

有里兆榮並兆富近接公興都是平康路捲
上珠簾開繡戶美人倚立斜陽暮 喝到肩
輿門外佳客至傳呼獻茗添玫瑰相對多情
頻絮語空房不管旁人醋

女號先生名最著愛聽彈詞閑步尋書廨引
上高樓多雅趣故高聲價教人慕 一種溫

柔饒態度抱起琵琶半響調絃柱唱得開篇
纔幾句客來又要周旋去

酒館亦分南北部海錯山珍價目懸牌註好
是慶興湯爆肚復新燒鴨尤其著 席上微
聞香澤吐賭酒猜拳豪興因花助費卻萬錢
忘下箸呆呆枉作周郎顧

鑼鼓聲喧朝又暮腳色京都絕藝兼文武燈
火自來高下布座中人滿無空處 纔下肩

興爭引步不座包廂正桌英洋五少待片時
無意緒紛傳叫局紅箋去

滿地烟花俱不數別有清膏金字招牌豎一
榻橫陳鋪設具味高偏有茶香助畫閣沿
街添幾處絕好堂倌都是蘇州女遞得殷勤
新盥布眼波斜睇勾人住

無限風光黃歇浦暮暮朝朝不惜金揮土飄
泊天涯人幾許乞兒曾作豪華主不信相

思真有樹底事諸君竟被風流誤回首方知
行役苦何如收拾尋歸路

海上十空曲

香鷲生

青樓

簾捲香風著粉施朱夕照中秋水雙波動勾
引多情種吟酒綠與燈紅請君入甕帳臥銷
金直把金銷送君看露水恩情總是空

游客

浪蝶狂蜂問柳尋花意興濃
靚面情偏重乾濕殷勤奉
吟仔細莽巫峰將人斷送擲
盡黃金驚覺痴兒夢君看影
裏情那總是空

女堂烟館

香霧盈空折桂頻教到月中
臺上仙來鳳一笑烟槍奉
吟彷彿入花叢瓊漿兼送約
度巫峰怎奈雙蓮重君看半
截觀音總是空

女書

絃索錚鏘作態登場顏轉紅
音韻悠揚弄還怨無迎送
吟堂唱興尤濃相思拚種無
奈曇花一現兜羅夢君看一
曲琵琶總是空

戲第

鑼鼓聲中鬼幘神旗氣象雄
奇幻盤絲洞艷冶描金鳳
吟吟異曲更同工京袂爭鬪
士女紛紜錯坐幾無縫君看
優孟衣冠總是空

花鼓戲貌兒戲

異處求工淫逞妖姬狂逞童花鼓新腔送賣
眼春心動咚醜態帽兒同干戈虛弄一樣排
場難把周郎哄君看輕薄桃花總是空

酒館

舜韭堯葱一箸干錢未足供樓說慶典重肴
饌依時奉咚處處一般同嘉賓任共行令猜
枚月影花梢動君看饕餮成風總是空

茶館

閣敞松風非陸非盧興也濃嘈雜人聲闐搭
腳妍頭共咚麗水混魚龍天開一洞龍井松
蘿只要兄方孔君看調水分符總是空

花酒

妝亦稱紅施本西家忽住東草榻烟氛重此
腹真堪捧咚任爾粉脂濃催堪一哄袖得干
錢十匣欣然奉君看一陣殘花總是空

燒香

粧飾偏工有女如雲廟入紅一瓣心香奉伴
侶虔誠共吟邑廟憶城中閣來丹鳳稽首慈
悲早賜團圓夢君看色相真如總是空

滬上新詠

做七筆
勾體

失名

鞠部名優爭看春奎揚月樓正桌紅粧俏出
局烏師候際國忌不停休閒消白晝慢道功
名一曲長生負可嘆把禮法王章一筆勾
羅列珍羞饕餮年來辨味周卻厭新新舊復

鄙同興陋嗟又啟最佳樓生靈冤藪活割生
烹釜底誰憐救竟忍把愛物仁心一筆勾
肥馬輕裘下隸輿臺埒富侯色樣翻新舊紅
紫清男婦別有爛羊頭頂鞞濶袖敗絮其
中金玉包銅臭從今把名器衣冠一筆勾
鄉戀溫柔真箇消魂十里樓簾底秋波溜帳
裏春風透嗟知否有人愁寒閨獨守好夢閒
尋回首忘嘉耦可憐把琴瑟恩情一筆勾

閒約消愁噉雉呼盧不肯休金帛貪心誘勝
負豪情鬪噉一擲付東流那堪回首鬼蜮潛
謀機巧難防守不如把翻本這梢一筆勾
狎結朋儔萬里眠雲足卧遊鎗管傳香口巾
茗攜纖手味不覺餌吞鈎容顏消瘦從此開
門七件伊推首管教把事業精神一筆勾
略舉其尤欲挽狂瀾憫下流須要身心究非
禁洋場走矇興偶一乘游陶情詩酒點綴昇

平勝境何妨有豈敢把盛世鶯花一筆勾

滬游雜記卷三

葛氏嘯園藏板

